

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**JP "Medunarodni aerodrom Tuzla" d.o.o.**

**Broj:01/I-614-15/16**  
**G.Dubrave, 14.07.2016.godine**

Na osnovu člana 69. stav 1. alineja a), člana 70. i člana 89. Zakona o javnim nabavkama BiH (Službeni glasnik Bosne i Hercegovine broj: 39/14) te prijedloga Komisije za provođenje postupka nabavke usluga osiguranja od odgovornosti iz djelatnosti za štetu načinjenu prema trećim licima, njihovoj imovini i životima te štetu načinjenu trećim licima za svaki događaj/svaki zrakoplov, utvrđenog u zapisniku broj: 01/I-614-14/16 od 14.07.2016.godine, u ime uprave Javnog preduzeća Direktor JP «Medunarodni aerodrom Tuzla» d.o.o., d o n o s i:

**ODLUKU**  
**o izboru najpovoljnijeg ponuđača**

Ponuda ponuđača „BOSNA SUNCE OSIGURANJE“ D.D. PODRUŽNICA TUZLA proglašava se najpovoljnijom, te se imenovanom ponuđaču dodjeljuje ugovor o nabavi usluga osiguranja od odgovornosti iz djelatnosti za štetu načinjenu prema trećim licima, njihovoj imovini i životima te štetu načinjenu trećim licima za svaki događaj/svaki zrakoplov. Ugovorni organ će istovremeno uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona. Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u konkurentskom zahtjevu za dostavljanje ponuda i zakonskim propisima koji regulišu postupke ugovaranja.

***Obrazloženje***

Ugovorni organ je na osnovu obavještenja na web portalu javnih nabavki broj: 527-7-2-8/16 od 16.06.2016. godine proveo konkurentski postupak prikupljanja ponuda za nabavku usluga osiguranja od odgovornosti iz djelatnosti za štetu načinjenu prema trećim licima, njihovoj imovini i životima te štetu načinjenu trećim licima za svaki događaj/svaki zrakoplov. Nakon izvršenog otvaranja ponuda dana 04.07.2016.godine, odnosno izvršene analize ponuda Komisija je utvrdila da su pristigle tri ponude i to:

1. Ponuđač „EUROHERC OSIGURANJE“ D.D. PODRUŽNICA TUZLA - čija cijena ponude iznosi 18.240,00 KM bez PDV-a,
2. Ponuđač „WIENER OSIGURANJE VIG“ A.D. - čija cijena ponude iznosi 12.480,00 KM bez PDV-a,
3. Ponuđač „BOSNA SUNCE OSIGURANJE“ D.D. PODRUŽNICA TUZLA - čija cijena ponude iznosi 13.120,00 KM bez PDV-a.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da ponuda ponuđača „BOSNA SUNCE OSIGURANJE“ D.D. PODRUŽNICA TUZLA ispunjava formalno pravne, ekonomske i tehničke uslove odnosno zahtjeve ugovornog organa, odnosno da je ista prihvatljiva za ugovorni organ i može biti predmet vrednovanja shodno utvrđenim kriterijima u tenderskoj dokumentaciji.

Ponuda ponuđača „EUROHERC OSIGURANJE“ D.D. PODRUŽNICA TUZLA ne ispunjava formalno pravne, ekonomske i tehničke uslove odnosno zahtjeve ugovornog organa utvrđene u tenderskoj dokumentaciji. Tenderskom dokumentacijom je traženo da ponuđač dostavi aktuelni izvod iz sudskog registra ne stariji od 3 mjeseca od krajnjeg roka/datuma za dostavljanje ponuda (ovjrena kopija ne starija od 90 dana) a ponuđač „EUROHERC OSIGURANJE“ D.D. PODRUŽNICA TUZLA

je dostavio neovjrenu kopiju izvoda iz sudskog registra izdatog 18.02.2016. godine iz čega proizilazi da je dostavio dokument koji ne odgovara uslovima iz tenderske dokumentacije. Tenderskom dokumentacijom je traženo da ponuđač dostavi potvrde od svih banaka kod kojih ima račune o solventnosti u posljednjih 6 mjeseci odnosno za period od 01.12.2015. do 01.06.2016. godine a ponuđač „EUROHERC OSIGURANJE“ D.D. PODRUŽNICA TUZLA je dostavio potvrde od banaka koje ne dokazuju solventnost za traženi period. Ponuđač „EUROHERC OSIGURANJE“ D.D. PODRUŽNICA TUZLA je dostavio izjavu iz člana 52. Zakona o javnim nabavkama odnosno Prilog 5 koja nije potpisana i ovjrena od strane nadležnog organa kako je traženo u tenderskoj dokumentaciji.

Ponuda ponuđača „WIENER OSIGURANJE VIG“ A.D. ne ispunjava formalno pravne, ekonomske i tehničke uslove odnosno zahtjeve ugovornog organa utvrđene u tenderskoj dokumentaciji. Ponuđač „WIENER OSIGURANJE VIG“ A.D. je dostavio izjavu iz člana 52. Zakona o javnim nabavkama odnosno Prilog 5 koja nije potpisana i ovjrena od strane nadležnog organa kako je traženo u tenderskoj dokumentaciji. Ponuda ponuđača „WIENER OSIGURANJE VIG“ A.D. nije parafirana ili potpisana od strane lica koje je ovlašteno da zastupa ponuđača i nije numerisana na način kako je traženo tenderskom dokumentacijom u tački 10. a na osnovu Zakona o javnim nabavkama i pripadajućim podzakonskim aktima. Odnosno, svi listovi ponude treba da bude parafirani od ovlaštenog lica kao i da budu numerisani tako da je obezbjeđen kontinuitet numerisanja što je ponuđač „WIENER OSIGURANJE VIG“ A.D. propustio učiniti. Ponuđač „WIENER OSIGURANJE VIG“ A.D. je dostavio izjavu potpisanu i ovjrenu od strane ponuđača o ispunjavanju preferencijalnog tretmana domaćeg dok je tenderskom dokumentacijom traženo da se dostavi potvrda o bh porijeklu usluga koju izdaje Vanjskotrgovinska komora BiH na zahtjev kompanije.

Cijeneci navedeno činjenično stanje, Komisija za provođenje postupka nabavke usluga osiguranja od odgovornosti iz djelatnosti za štetu načinjenu prema trećim licima, njihovoj imovini i životima te štetu načinjenu trećim licima za svaki događaj/svaki zrakoplov, konstatovala je da postoje uslovi za izbor najpovoljnijeg ponuđača i dodjelu ugovora istom u skladu sa članom 69. Stav 1. alineja a) i članom 89. Zakona o javnim nabavkama BiH i dala prijedlog za donošenje Odluke o dodjeli ugovora ponuđaču „BOSNA SUNCE OSIGURANJE“ D.D. PODRUŽNICA TUZLA čija cijena ponude iznosi 13.120,00 KM bez PDV-a.

Na osnovu ovog prijedloga Komisije za provođenje postupka nabavke usluga osiguranja od odgovornosti iz djelatnosti za štetu načinjenu prema trećim licima, njihovoj imovini i životima te štetu načinjenu trećim licima za svaki događaj/svaki zrakoplov, ovlašteni organ ugovornog organa donio je odluku kao u dispozitivu.

**PRAVNA POUKA:** Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:  
3 x Ponuđačima  
1 x Evidenciji  
1 x a/a



**DIREKTOR**  
Rifet Karasalihović